



CHIESA EVANGELICA RIFORMATA
GRIGIONESE
BASELGIJA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOESTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL: landeskirche@gr-ref.ch
www.graubuenden-reformiert.ch

Publicaziun nr. 661 Atun 2011

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

I. Tractandas (consultaziun)	4
1. Reglament da la cumissiun da personal da la sinoda (416)	4
2. Urden da gestiun da la sinoda (410)	5
3. Mussavia per la lavur etic-professionala dals e da las reverendas en il Grischun	7
II. Communicaziuns/enquistas dal Cussegl da baselgia	12
4. Revisiun totala da la constituziun: emprim sboz	12
5. Realisaziun dal model 1+1 davent da l'onn da scola 2012/13 en il stgalim aut da la scola populara	13
6. Infurmaziuns davart il reglament 251 «contribuziuns or dal fond per la lavur cun la giuventetgna »	16
III. Rapports colloquials	18
7. Projects colloquials da lavur cun attempads	18
8. Rapport dals incumbensads colloquials per ecumena, missiun e cooperaziun al svilup (cumissiun EMC)	18
9. Instrucziun da religiun 2011/12	19
10. Occurrenzas colloquialas	20
11. Visitaziuns d'archiv	20
12. Rapports dals (da las) preditgant(a)s laic(a)s	21
13. Propostas per cudeschs	21
14. Moziuns, intimaziuns e propostas	21
15. Remplazzaments per il servetsch pastoral	22

IV. Diversas infurmaziuns	24
16. Resumaziun dals resultats dals colloquis da primavaira	24
17. Proceder tar la tscherna d'in(a) reverenda	24
18. Rapport da l'incumbensada per ecumena, missiun e cooperaziun al svilup (EMC) da la baselgia chantunala	27
19. Giubileums	28
20. Spediziun dals protocols colloquials	28
21. Colloquis d'atun 2011	29
22. Sessiuns dal Cussegl grond evangelic 2011/2012	30
23. Termins dals colloquis da primavaira 2012	30

I. Tractandas (consultaziun)

1. Reglament da la cumissiun da personal da la sinoda (416)

En sia lavur ha la cumissiun da personal da la sinoda constatà, che sia incumbensa da cussegljar e d'accompagnar sinodals na vegn betg perina cun la preparaziun da mesiras sco suspensiuns e censuras.

Cun la nova formulaziun da l'incumbensa vegn sclerida la rolla che la cumissiun da personal da la sinoda ha envers ils sinodals. Ella serva ussa cleramain a la prevenziun da conflicts ed al sustegn da sinodals en dumondas personalas.

Il decanat ha ussa d'instituir ina nova cumissiun per preparar mesiras disciplinaras. Quai daventa pussibel cun in'aggiunta a l'urden da gestiun da la sinoda.

Revisiun parziala dal reglament da la cumissiun da personal da la sinoda

Art. 1 (resta)

Art. 2 Incumbensa (nov)

La cumissiun ha las incumbensas sequentas:

1. Preparar tematicas davart il personal ed elavurar posiziuns u moziuns che concernan tematicas dal personal, cun excepziun da la preparaziun da decisiuns davart censuras, suspensiuns ed exclusiuns da sinodals.

2. Accumpagnar sinodals en dumondas personalas da lur lavur professiunala.

Art. 3. Proceder (nov)

¹ La cumissiun da personal daventa activa pir suenter avair survegnì in'incumbensa correspudenta dal decanat. Dumondas nunuffizialas tracta ella en atgna cumpetenzza cun orientar il decanat.

² Dumondas per activar la cumissiun da personal èn da drizzar al decanat u a la cumissiun da personal. La cumissiun da personal renviescha talas dumondas al decanat che examinescha ellas e surdat eventualas incumbensas.

³ Sche la cumissiun da personal constatescha durant sia lavur fatgs e cumportaments che pudessan avair ina relevanza penala, infurmescha ella il decanat che tracta la chaussa e decida.

(La numeraziun dals artitgels 3 fin 5 vegn adattada: 4 fin 6.)

2. Urden da gestiun da la sinoda (410)

Fin ussa era quai ina da las incumbensas da la cumissiun da personal da la sinoda, da preparar per mauns da la sinoda dumondas dal Cussegl da baselgia per censuras, suspensiuns ed expulsions da sinodals (art. 2, cifra 3 dal reglament 416). Sco che la pratica ha mussà, na sa lascha quai betg far da la medema cumissiun che duai er accumpagnar ils sinodals en dumondas personalas da lur lavur professiunala.

Per preparar mesiras disciplinaras sto il decanat pudair instituir in' atgna cumissiun. Quai daventa pussibel cun in'aggiunta a l'urden da gestiun da la sinoda (art. 13, cifra 8)

Art. 13 Incumbensas

Il decanat ha las suandantas incumbensas:

1. El maina la sinoda en general.
2. En convegnoientscha cun il Cussegl da baselgia prepara e maina el las sesidas.
3. Il decanat procura che las decisiuns da la sinoda vegnian fatgas valair conform a l'urden tant en il Cussegl grond evangelic sco er en il Cussegl da baselgia.
4. El tracta objecziuns davart ils protocols da las sesidas ed approvescha alura ils protocols.
5. El approvescha il rapport dal chancelier resp. da la chanceliera davart la sinoda ordinaria u extraordinaria.
6. El tgira il contact cun las conferenzas pastorales colloquialas.
7. A maun da la sinoda fa el propostas davart il diever dals meds da la cassa sinodala.
8. **[nov:]** Per preparar ina decisiun davart censuras, suspensiuns ed exclusions da sinodals po il decanat instituir ina cumissiun sinodala che ha da rapportar a la proxima sinoda.

La sinoda vul elavurar in mussavia per la lavur etic-professiunala dals e da las reverendas en il Grischun. La basa giuridica per quai duai vegnir dada cun l'aggiunta d'in nov artitgel en l'urden da gestiun da la sinoda.

Art. 30a Mussavia per la lavur etic-professiunala

¹ Sco instrument da lavur per ils e las reverendas da la Baselgia evangelica-refurmada dal chantun Grischun publitgescha la sinoda in mussavia per la lavur etic-professiunala.

² Quest mussavia è la basa per la controlla persunala sco er per l'accompagnament tras la cumissiun da persunal da la sinoda.

3. Mussavia per la lavur etic-professiunala dals e da las reverendas en il Grischun

Per ils sinodals è in mussavia per la lavur etic-professiunala in'iseglia nizzaivla per lur lavur pratica. El gida da promover e da segirar la qualitat da lur lavur. El gida da sclerir las rollas e pertgira uschia ils sinodals en lur lavur en la pravenda. El sustegna tar reflexiuns e supervisiuns. Perquai publitgescha la sinoda il suandant mussavia per la lavur etic-professiunala dals e da las reverendas en il Grischun:

Mussavia per la lavur etic-professiunala dals e da las reverendas en il Grischun

publitgà da la sinoda ils

I. Premissa e finamira

1. Premissa da la lavur

Premissa per la lavur dals e da las reverendas en la Baselgia evangelica refurmada dal chantun Grischun è l'empermischun sinodala.

2. Finamira

Il mussavia preschent promova ina lavur conscienziusa sco reverenda. Ils sinodals portan la responsabladad per quai ch'els fan e quai ch'els na fan betg. Els èn conscients che lur cumportament po avoir consequenzas persunalas e socialas.

II. La persuna dal e da la reverenda

1. Cumpetenzza persunala

¹ Ils sinodals èn conscients che lur persunalitad è il pli impurtant instrument per lur lavur pastorala. Els han quità da lur sanadad fisica e psichica persunala.

² Els resguardan lur cunfins persunals e professiunals.

³ Els sa confrunteschon permanentamain cun sasezs. Els reflecteschon criticamain las aspectativas internas ed externas envers els.

⁴ Els respectan e promovon la sfera privata.

⁵ Els respectan cunfins e furman conscientamain vischinanza e distanza.

2. Cumpetenzza professiunala

¹ Ils sinodals segireschan la qualitat da lur lavur professiunala. Latiers tutgan scolaziun supplementara e supervisiun.

² Els mantegnan e promovon lur cumpetenzas en las differentas spartas da la lavur pastorala.

III. Furmaziun dals champs da lavur pastoral

1. En general

¹ Ils sinodals servan a la baselgia en il spiert da l'evangeli.

² Els s'engaschan tenor meglier savair e pudair per il bain da singuls sco er da la cuminanza.

³ Els eviteschan spartiziuns en la plaiv.

⁴ Els respectan la libertad da l'opiniun e da la religiun e stiman la personalitad e la libra decisiun.

⁵ Els èn conscients che l'uffizi pastoral è collià cun pussanza. Cun quai van els enturn conscienzusamain. Els san che pussanza po vegnir malduvrada. Els na profitan en nagina maniera da relaziuns da dependenza, ni finanzialmain, ni emoziunalmain, ni sexualmain, ni en outra furma.

⁶ Els s'acquistan permanentamain la cumpetenzza necessaria tras lectura, scolaziun supplementara u discurs.

2. Instrucziun en scola e plaiv, furmaziun da creschids

¹ Ils sinodals promovon lur cumpetenzas pedagogicas e didacticas.

² Els inscuntran als uffants e creschids cun spetgas avertas.

³ Els respectan la personalitad d'uffants e da giuvenils ch'è en svilup.

⁴ Els collavuran vi da cunvegns impegnativas e reglaments en ils teams da las scolas nua ch'els instrueschan ed èn loials envers quels.

⁵ Els collavuran cun quels ch'èn autorisads d'educar, cun ils servetschs socials, cun uffizis ed auters participads.

3. Omiletica e liturgia

¹ Ils sinodals èn conscients da la liturgia reformada. Els respectan l'occurrenza en furma e cuntegn, sco er il lieu dad acziuns omileticas e liturgicas differentas.

² Per la pregia dovran els ina lingua actuala e gista. Els eviteschan da repeter stereotips da rollas, pregiudizis e discriminaziuns. Els pregian tenor il princip reformatoric che l'evangeli sto vegnir enclieg, ch'el salva e deliberescha.

³ Els èn conscients che lingua po manipular. Els fan stim da l'integritad e da l'autodeterminaziun dals auditurs e da las audituras.

4. Pastoraziun

¹ Ils sinodals respectan il dretg d'autodeterminaziun e d'autoresponsablidad dals umans che tschertgan cussegl. Els mussan en tut ils inscunTERS in cumportament da respect e da stim.

² Els èn conscients ch'i dat tranter reverendas e personas che tschertgan cussegl differenzas da pussanza. Il dischequilibr ch'i po dar en ina relaziun da pastoraziun a regard status, rolla, savair ed experientscha, na dastga betg vegnir malduvrà, ni per cuntentar agens basegns, ni sin donn da la persuna che tschertga cussegl.

³ Els sa tegnan vi da las directivas impegnativas da las instituziuns en las qualas els lavuran (ospital, psichiatria,

praschun etc.). Els prendan resguard sin lur incumbensas ed andaments da manaschi.

⁴ Els èn conscients da las pussibilitads e dals cunfins da lur agid. Persunas che tschertgan cussegl renvieschan els ad uras a las persunas cumpetentas.

5. Publicistica

¹ Ils sinodals sa tegnan en lur lavur publicistica vi da las reglas da l'onestadad.

² Els respectan la sfera privata da las singulas persunas.

³ Els èn conscients da lur rolla publica en la pravenda e da lur liom cun la baselgia chantunala.

6. Collegialitad e loialitad

Ils sinodals s'impegnan ad in cumportament fair, collegial e loial envers collegas da professiun, collavuraturs sco er envers uffizis da la baselgia.

IV. Resursas personalas

Ils sinodals renconuschan l'impurtanza da las resursas personalas. Els stgaffeschjan ils lieus necessaris latiers. Sulets ed ensemen cun auters taidlan els attentamain sin il pled da Dieu ed orienteschjan adina puspè lur vita e lur lavur vi da quel.

II. Communicaziuns/enquistas dal Cussegl da baselgia

4. Revisiun totala da la constituziun: emprim sboz

L'emprim sboz da la revisiun totala da la constituziun è avant maun. En la fasa preschenta da la participaziun èn ils commembers da la Baselgia evangelica refurmada dal Grischun envidads d'inoltrar remartgas, cumplettaziuns e propostas da soluziuns a maun da la gruppa da preparaziun che ha scrit l'emprim sboz.

Il Cussegl da baselgia envida er ils colloquis da sa participar vi da la discussiun.

Igl è bainvis remartgas generalas, critica concreta e propostas da meglierament per tut ils aspects da la constituziun.

Surtut interessa l'avis dals colloquis a regard:

a) la grondezza da las plaivs. L'emprim sboz prevesa plaivs pli grondas. Sco che quellas sa cumponan na vegn betg reglà en la constituziun. Ma en las explicaziuns da l'emprim sboz fa la gruppa preparativa ina proposta.

Igl è pussaivel ch'ils colloquis gruppeschan lur plaivs existentas en in' altra maniera a futuras plaivs pli grondas.

U datti propostas per l'existenza futura da plaivs pli pitschnas?

Qualas structures dovra ina plaiv viventa?

b) la finanziaziun. La gruppa da preparaziun propona ina tariffa unitara da las taglias per l'entir chantun. Per las plaivs en l'egualisaziun da finanzas vul quai dir: damain chargia da taglias ed autonomia finanziaria pli gronda. Per las autras

plaivs s'augmentass la chargia finanziel per part in pau. Tge din ils colloquis da questa proposta? Datti agiuntas u models da finanziaziun alternativas?

Il Cussegl da baselgia supplitgescha ils colloquis da formular lur propostas per l'emprim sboz da la constituziun separadamain sco agiunta al protocol, per ch'el las possia rensiar a la gruppa da preparaziun.

5. Realisaziun dal model 1 + 1 davent da l'onn da scola 2012/13 en il stgalim aut da la scola populara

L'onn da scola 2012/13 vegn introduci en il stgalim aut da la scola populara il nov rom obligatoric enconuschientscha da las religiuns ed etica «RuE». L'introducziun cumenza en l'emprima classa secundara e reala e vegn successivamain manà vinavant en ils proxims onns da scola.

Il plan d'instrucziun RuE per il stgalim aut che s'orientescha vi da cumpetenzas è avant maun dapi november 2010. El vala enfin l'introducziun dal plan d'instrucziun 21 per l'entira scola populara en il chantun Grischun ch'è planisada per l'onn da scola 2017/2018. En quel plan vegn ad esser integrà il rom RuE.

L'avust 2011 ha cumenzà la qualificaziun supplementara da las persunas delegadas da las scolas. Quella vegn fatga entras la Scola auta da pedagogia dal chantun Grischun (SAP). Er insaquants magisters da religiun da nossa baselgia chantunala (surtut reverendas) sa participeschan e survegnan uschia l'autorisaziun da pudair instruir quest rom nov.

En connex cun l'introducziun dal nov rom RuE vegnan las plaivs e las pravendas supplitgadas da resguardar ils puncts sequents:

1. Davent da l'onn da scola 2012/13 sa reduceschan successivamain las lecziuns da religiun che las plaivs han da dar en la scola populara tenor lescha da scola. Tar mintg'annada / classa croda davent ina lecziun. Las plaivs vegnan supplitgadas d'inditgar cun il protocol dal colloqui d'atun 2011, pli tard cun quel dal colloqui da primavaira 2012, quellas lecziuns che crodan davent en ils onns da scola 2012/13, 2013/14 e 2014/15. La basa per quai dat la lescha da scola grischuna tenor la quala igl è d'instruir 2 lecziuns da religiun a mintga classa, e betg il numer effectiv da las lecziuns che vegnan dadas actualmain.
2. Las resursas che daventan libras – per mintga lecziun 3,5% u CHF 3'500 – vegnan inditgadas separadamain en ils budgets annuals da las plaivs, l'emprima giada per 2012, obligatoricamain davent da l'onn 2013. Questas resursas vegnan reservadas per l'organisaziun da la lavur ecclesiastica en il rom dal model "furmà raspada" che vegn ad esser avant maun davent da la fin da l'onn 2012. Ellas duain vegnir investidas surtut en ils champs da lavur cun famiglias, uffants e giuvenils. Cun l'introducziun dal plan d'instrucziun 21 davent dal 2017/18 s'augmentan quests meds anc ina giada. A medem temp pon vi pli catechets e catechetas cun interess e qualificaziun che enfin ussa han instrui religiun en la scola primara, er surpigliar incumbensas en la plaiv.
3. L'ordinaziun 248 davart il duair d'instrucziun dals e da las reverendas sin la basa da la repartiziun da las plaivs (quadern verd) resta per entant senza midaments en vigur. Tenor quella vegn ina lecziun taxada cun 3,5% d'ina piazza.

La nova situaziun cun l'introducziun da RuE vegn resguardada sco segua:

- A Reverendas en uffizi cumplain che vegnan impiegads da la scola per il rom RuE pon laschar quintar las lecziuns en il rom da lur duair d'instrucziun. Analog han els dentant da reducir lur engaschament en la plaiv, perquai che nagin na po vegnir impiegà per dapli che 100 pertschient.
- B Reverendas en uffizi parzial che vegnan impiegads da la scola per il rom RuE pon laschar quintar las lecziuns en il rom da lur duair d'instrucziun, tuttina sch'els vulan dar questas lecziuns supplementarmain u en il rom da lur engaschament en la plaiv. En quest ultim cas vegn l'engaschament parzial reduci correspondentamain.
- C Reverendas che na vegnan betg impiegads en il rom RuE u che malgrà da quest engaschament na vegnan betg sin il numer da lecziuns necessari tenor l'ordinaziun 248, pon accumplir lur duair d'instrucziun en duas manieras:
- Il numer da lecziuns necessari vegn cuntanschi cun l'instrucziun da religiun en la scola populara che stat en la responsabladad da la baselgia e/u cun l'instrucziun dals confirmands.
 - Per mintga lecziun ch'il reverenda dat damain che prescrit en l'ordinaziun 248 survegn il reverenda autras incumbensas en la dimensiun da 3,5% da la piazza, surtut sin il champ da la lavur cun uffants, giuvenils e famiglias.
4. Per garantir ina concepziun transparenta dal quadern da duairs e da la registraziun dal temp da lavur dals collavuratur vegn duvrà en tschertas plaivs anc in schema gia pli vegl che 10 onns. L'onn 2012 stat quel a disposiziun a

las plaivs en furma revisa ed ussa duvrabel per tut las gruppas professionalas.

6. Infurmaziuns davart il reglament 251 «contribuziuns or dal fond per la lavur cun la giuventetgna »

La primavaira 2011 ha il Cussegl da baselgia surlavurà ils criteris da contribuziuns dal reglament 251. El supplitgescha las plaivs e las pravendas da considerar las sequentas ponderaziuns:

1. A l'entschatta è il fond per la lavur cun la giuventetgna vegni drizzà en per promover la lavur cun preparands e confirmands en las plaivs e per levgiar las plaivs financialmain. El dueva surtut sustegnair la realisaziun da champs e dad excursiuns en il rom da questa lavur. Il fond vegniva alimentà en emprima lingia tras las collectas da la confirmaziun.

2. Cun ils onns èn s'augmentadas vi pli las dumondas che na vegnan betg specificamain or da quest champ da lavur, mabain en general or da quel da la lavur cun uffants e giuvenils. Latiers vegnivan dumondas betg da las plaivs sezzas, mabain dad organisaziuns pli u main stretg liadas cun quellas. La trasparenza da la derivanza confessiunala resp. la commemoranza dals participants n'ha betg pudì satisfar. Cun quai s'augmentavan las sortidas dal fond dad onn ad onn, e cun quai la part che la KEK aveva da contribuir mintg'onn.

3. Il Cussegl da baselgia vul er en avegnir promover la lavur cun giuvenils. Per avair ina trasparenza pli gronda vegn en il reglament surlavurà dentant ussa differenzià tranter trais secturs da lavur:

- champs, dietas ed excursiuns en il rom da la lavur cun confirmands
- occurrenzas per uffants e giuvenils organisadas da las plaivs u dad organisaziuns stretg liadas cun quellas
- occurrenzas da lavur nunecclesiastica cun giuvenils, sche quellas correspundan en il senn lartg a las incumbensas da la baselgia.

En ils emprims dus secturs vala la regla sco fin qua d'ina contribuziun da CHF 10.– per di e participant. En il terz sector entra il Cussegl da baselgia be en dumondas che cuntengnan er ina descripsiun detagliada dal project ed in budget.

4. Las plaivs vegnan supplitgadas da declerar cleramain tar la dumonda, da quala occurrenza che quai sa tractia. Surtut en il segund sector, nua che la derivanza confessiunala resp. la commembranza dals participants na gioga betg ina rolla decisiva, vegnan ellas dumandadas da resguardar resp. da survegnir contribuziuns er d'altres funtaunas finanzialas (localas u regiunalas) che be dal fond da giuventetgna da la baselgia chantunala. Surtut tar occurrenzas ecumenicas vul quai en mintga cas la collavuraziun cun ils partenaris catolics er en il regard finanziel. Il Cussegl da baselgia vegn a s'engaschar en quest senn er sin il nivel da las baselgias chantunalas.

III. Rapports colloquials

7. Projects colloquials da lavur cun attempads

Ils projects colloquials da lavur cun attempads vegnan discutads en tut ils colloquis. Il Cussegl da baselgia vegn infurmà tras ils protocols. Il Cussegl da baselgia s'interessa er per il resun da quels colloquis che han suspais la lavur!

La fin dal 2011 va a fin la fasa da pilot da trais onns. A mauns dal Cussegl grond evangelic vegn il Cussegl da baselgia a evaluar questa fasa da pilot. El vegn a mussar, sche e nua che la baselgia chantunala sto vegnir activa en il sector da la lavur cun attempads. Per quai dovra el fin la fin da l'onn ils rapports finals dals colloquis. Quels cuntengnan la validaziun dal project resp. dals projects, ils rendaquints ed evtl. l'ultima dumonda da pajament.

Quels colloquis che na pon anc betg serrar giu, annunzian quai cun numnar ils motivs e fin cura ch'els spetgan la finiziun dal project.

8. Rapport dals incumbensads colloquials per ecumena, missiun e cooperaziun al svilup (cumissiun EMC)

Ils colloquis dattan temp a las personas incumbensadas per ecumena, missiun e cooperaziun al svilup (EMC) da rapportar. Ils incumbensads colloquials èn - sco commembers da la cumissiun chantunala EMC - intermediaturs tranter las activitads

colloquialas e quellas chantunalas. En questa funcziun pon els dar impuls impurtants per tuttas duas varts.

Il rapport a bucca duai infurmar davart chaussas actualas e dar vinavant infurmaziuns da la cumissiun als colloquis.

Il rapport en scrit infurmescha davart las activitads en il colloqui e quellas cun ils incumbensads da las plaivs. Quest rapport èsi d'agjuntar al protocol per mauns dal Cussegl da baselgia.

9. Instrucziun da religiun 2011/12

Il Cussegl da baselgia dumonda er per quest onn da scola las datas per l'instrucziun da religiun entras il post da l'instrucziun da religiun.

Las dumondas vegnan cumplettadas cun in questunari davart la scolaziun da las magistras e dals magisters che instrueschan religiun en la scola populara sin incumbensa da las plaivs. Ins vul savair surtut, quals magisters da religiun ch'èn en possess d'ina patenta da magisters e che possedan cun quai ina scolaziun pedagogica fundamentala. Il Cussegl da baselgia vul s'infurmar davart la qualificaziun specificamain teologica sco er quella pedagogica per il rom da religiun da questa gruppa da magisters da religiun. El supplitgescha ils colloquis da render attent ils represchentants da las plaivs sin l'enquista da quest onn. Ils questunaris èn vegnids tramess il fanadur en las plaivs.

Tar problems areguard l'instrucziun da religiun en l'onn da scola 2011/12 pon las plaivs sa volver a la manadra dal post da l'instrucziun da religiun.

Fachstelle Religionsunterricht
rev. Ursula Schubert-Süsstrunk
Welschdörfli 2, 7000 Chur
tel. 081 252 62 39 / e-mail: ursula.schubert@gr-ref.ch

10. Occurrenzas colloquialas

Il Cussegl da baselgia spetga il rapport davart las occurrenzas colloquialas dapi il colloqui d'atun 2010 sco conferenzas pastorales, retratgas, occurrenzas a favur da la scolaziun da perfecziunament, festas cirquitalas ed uschia vinavant. Quests rapports servan sco bursa d'ideas per auters colloquis. Perquai fan indicaziuns precisas davart referent(a)s e temas in bun servetsch. En la proxima publicaziun da primavaira vegnan questas indicaziuns publitgadas.

11. Visitaziuns d'archiv

Tar mintga midada en la pravenda èsi da far ina **visitaziun d'archivs extraordinaria** da la part da la pravenda da l'archiv. Dapi l'atun 1991 vegn quella fatga d'in commember da la cumissiun d'archivs da la baselgia chantunala. Il Cussegl da baselgia supplitgescha las suprastanzas dals colloquis dad esser attentas ch'il president da la cumissiun d'archivs, rev. Kurt Bosshard, Loëstrasse 60, 7000 Chur (tel. 081 257 11 00, e-mail: kurt.bosshard@gr-ref.ch) vegnia infurmà, avant che in u ina reverenda u provisur(a) fa midada. Quel infurmescha il visitatur responsabel.

12. Rapports dals (da las) preditiont(a)s laic(a)s

Il(s) preditiont(s) laic(s) / las preditiontas laicas scrivan per mauns dal colloqui responsabel in rapport davart lur activitads durant l'onn 2010/2011, quai tenor art. 13 cif. 6 dal "Reglament davart la legitimaziun per servetschs pastorals en il Grischun" (910).

Il Cussegl da baselgia spetga quests rapports ensemen cun il protocol colloquial per invista. Sch'in(a) preditiont(a) laic(a) vul sa retrair dal servetsch, basti da notar quai en il protocol.

Proxima dieta per preditiont(a)s laic(a)s: sonda, ils 1. d'october 2011, Klosters, ca. 10.00 - 14.30 uras.

13. Propostas per cudeschs

Il(s) colloquis pon proponer cudeschs per la biblioteca pastorala evangelica e trametter lur giavischs cun il protocol colloquial a l'actuariat dal Cussegl da baselgia.

Il bibliotecar, rev. dr. Jan-Andrea Bernhard, Castrisch, retschaiva gugent propostas per la cumpra da cudeschs che correspundan als novs criteris.

e-mail: pastoralbibliothek@gr-ref.ch.

14. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. I sto esser

evident, sch'i sa tracta d'ina moziun, d'ina intimaziun u d'ina proposta. I sto er esser evident, sch'i sa tracta d'ina moziun, intimaziun u proposta d'in colloqui entir tenor art. 21 da l'urden da gestiun dal Cussegl da baselgia, u d'ina moziun, intimaziun u proposta d'ina persuna singula tenor art. 23 dal medem urden. Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta **moziuns**, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta **intimaziuns e propostas**, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

15. Remplazzaments per il servetsch pastoral

Il Cussegl da baselgia dat a sinodals ed autras persunas legitimadas per il servetsch pastoral la pussibilità, da s'inscriver mintga mez onn en ina glista tar il secretariat dal Cussegl da baselgia. Termis per la comunicaziun da capacitads libras per il proxim mez onn èn ils **1. da december** ed ils **1. da zercladur/gün**.

Tgi che ha per il mez onn dals 1. da schaner fin ils 30 da zercladur/gün 2012 anc capacitads libras per surpigiar remplazzaments, fetscha il bain da s'annunziar avant la fin da l'onn cun il formular blau tar il secretariat dal Cussegl da baselgia. Quest formular pon ins er chargiar da la homepage

dal Cussegl da baselgia: www.gr-ref.ch / Service / Stellvertretungen / «Meldeformular Stellvertretungen»

Sper questas cumpilaziuns semestrilas resta en vigur anc la glista dals remplazzants sco fin qua. Tgi che vuls sa laschar registrar u stritgar sin questa glista, fa il bain da s'annunziar cun mail tar l'actuar dal Cussegl da baselgia. La glista actuala chattais Vus sut www.gr-ref.ch / Service / Stellvertretungen / «Stellvertreterliste».

Tgi che dovra in remplazzament a curta vista, po far diever da la glista supplementara en il secretariat dal Cussegl da baselgia. Persunas che fan gugent remplazzaments ed han anc capacitads libras, vegnan uschia evtl. dapli en funcziun.

IV. Diversas infurmaziuns

16. Resumaziun dals resultats dals colloquis da primavaira

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas da l'ultim colloqui.

En il colloqui da primavaira 2011 n'hai dà naginas tractandas. Damai na datti er naginas resumaziuns.

17. Proceder tar la tscherna d'in(a) reverenda

Tscherna da reverenda Sin la publicaziun da plazzas libras datti actualmain per il solit numerusas annunzias. Or da quel motiv èsi impurtant da verifitgar dalunga l'elegibladad en cas che na-sinodals s'annunzian.

Cun quai è incumbensà l'actuar dal Cussegl da baselgia. Sin giavisch d'in consistori u d'ina cumissiun per la tscherna d'in(a) reverenda po quel er far vegnir referenzas da la baselgia d'origin.

L'actuar dal Cussegl da baselgia declera als interessents senza l'elegibladad dal concordat las cundiziuns ch'els han d'accomplir avant ch'els possian vegnir impiegads provisoricamain.

E finalmain po l'actuar dal Cussegl da baselgia discutir cun tut ils participants il temp ch'i dovra fin ina eventuala entrada en plazza. Damain ch'in mez onn fin in onn entir n'è betg realistic.

Fin a la recepziun en sinoda vul quai per il solit almain dus onns.

Igl è d'avantatg, sche consistoris e cumissiuns per la tscherna d'in(a) reverenda prendian si contact cun il Cussegl da baselgia. Persunas da contact èn il decan, la scheffa dal departament 2 „Structuras e dumondas da dretg“ e l'actuar dal Cussegl da baselgia.

Il Cussegl da baselgia ha relaschè ils 24 da mars 2011 las sequentas directivas impegnativas (911). Ellas preciseschan, tgi che accumplecha las premissas per surpigliar ina pravenda en la baselgia chantunala.

Directivas regard art. 3 «Premissas per l'elegibilitad en la baselgia dal Grischun» da l'ordinaziun 910 davart la «Permissiun al servetsch pastoral en il Grischun»

1. Ins po tscherner (sut cundiziun da la recepziun en la sinoda):

- reverendas che han finì cun success lur scolaziun tar il «Concordat per la scolaziun ed il perfecziunament da reverendas refurmad(a)s». Quels possedan l'**elegibilitad dal concordat**. Davart il concordat guarda www.konkordat.ch
- reverendas che possedan l'elegibilitad da la «Reformierten Kirche Bern-Jura-Solothurn» u da la «Conférence des Eglises protestantes Romandes» (CER).

2. Ins po tscherner suenter avoir absolvi ulteriurs examens (e sut cundiziun da la recepziun en la sinoda):

- reverendas che han fatg ina scolaziun renconuschida dal concordat. Quai èn surtut reverendas da la Germania ch'èn ordinads da las baselgias da la «Evangelische Kirche in Deutschland» (EKD). Il concordat examinescha l'equivalenza da la scolaziun en incumbensa dal Cussegl da baselgia a maun da la documentaziun inoltrada. Avant che questas persunas pon vegnir tschernidas, han els d'absolver cun success in praticum da quatter emnas ordinà dal Cussegl da baselgia, sco er in' examen supplementar. Suenter vegnan els impiegads dus onns sco provisur(a), avant ch'els pon vegnir recepids en la sinoda.

3. Ins na po betg tscherner persunas che n'accumplechan betg ils puncts 1 e 2:

Exempels:

- Betg elegibels èn persunas che han fatg ina scolaziun tar la «Staatsunabhängigen Theologischen Hochschule Basel» (STH) (pli baud FETA) e che n'han betg survegni l'elegibilitad dal concordat tras studis supplementars.
- Betg elegibels èn persunas che possedan be ina elegibilitad chantunala, damai reverendas als quals ina baselgia chantunala ha dà l'elegibilitad or da motivs speziels be per l'intschess da quella baselgia chantunala.
- Betg elegibels èn persunas d'ina baselgia libra, senza che lur scolaziun saja vegnida renconuschida tras il concordat.

Nus supplitgain Vus d'ans inoltrar ils documents per la candidatura, avant ch'i dat inqual discours, pregia da prova etc.

Nus infurmain gugent er telefonicamain:

Actuariat dal Cussegl da baselgia: tel. 081 257 11 00

18. Rapport da l'incumbensada per ecumena, missiun e cooperaziun al svilup (EMC) da la baselgia chantunala

S'engaschar las la lavur d'EMC è adattà surtut per umans mirveglius. Sche Vus vulais gugent inscuntrar umans dad autras culturas, alura è quai pussibel en connex cun nossas trais ovras d'agid HEKS, BFA e m21.

La lavur d'EMC dovra er umans cun ina disfidanza sauna. Betg mintgin che roga per agid, na dovra propi noss agid. Corrupziun e dischurden economic èn motivs, pertge che daners d'agid n'arrivan betg là, nua ch'els vegnan duvrads. Las situaziuns mussadas sin bels prospects da colur cun uffants en circumstanzas da povertad pon ins levamain falsifitgar.

Organisaziuns che mussan libramain lur contabilitad e la laschan examinar dad uffizis svizzers independents («ZEWO» – Schweizerische Zertifizierungsstelle für gemeinnützige, Spenden sammelnde Organisationen), quels meritan nossa confidenza.

Vulais Vus envidar giasts dals projects ad in'occurrenza en vossa plaiv u avais Vus dumondas a regard occurrenzas da l'EMC, as po cussegliar e sustegnair la manadra dal post:

Christine Luginbühl

Postgass 4

7023 Haldenstein

e-mail:christine.luginbuehl@gr-ref.ch / Tel. 081 353 35 22

19. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas comunicaziuns pon vegnir agiuntas al protocol u er vegnir communitgadas separadamain ed en scrit a l'actuar dal Cussegl da baselgia: Kurt Bosshard, Loëstrasse 60, 7000 Cuir. Giubilars e giubilaras survegnan sper la reconuschienscha da la plaiv u dal colloqui ina charta d'engraziament dal Cussegl da baselgia.

Igl è indispensabel, che las comunicaziuns al Cussegl da baselgia davart giubileums cuntengnan ils numns entirs e l'adressa precisa. Plinavant sto vegnir notada la funcziun ed ils onns precis dal servetsch. Be il num en il protocol dal colloqui, per mail u per telefon na basta betg.

20. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu ils 27 d'october 2011. Las actas respectivas vegnan tramessas ils 11 d'october.

Nus essan cuntents sche Vus tramettais pli svelt pussibel ils protocols en furma electronica (datoteca WORD u pdf a kurt.bosshard@gr-ref.ch), per che nus possian cumenzar cun l'evaluaziun. Ils protocols sin palpieri e sutscrits èsi da trametter enfin ils **30 da settember 2011** a:

Evangelische Landeskirche Graubünden, Pfr. Kurt Bosshard, Loëstrasse 60, 7000 Chur.

Dumondas e decisiuns èsi da marcar bain visiblamain.

Preavis

Ils protocols dals colloquis da primavaira 2012 èsi d'inoltrar enfin ils **15 d'avrigl 2012**.

21. Colloquis d'atun 2011

Colloqui I	Sur igl Uaul	14 da sett.
Colloqui II	Schons-Avers-Val Rain - Mesauc	15 da sett.
Colloqui III	Sut igl Uaul	21 da sett.
Colloqui IV	Cuira	12 da sett.
Colloqui V	Signuradi-Tschintg vitgs	21 da sett.
Colloqui VI	Scanvetg - Churwalden	14 da sett.
Colloqui VII	Engiadina Bassa - Bregaglia - Poschiavo - Surses	14 da sett.
Colloqui VIII	Engiadina Bassa - Val Müstair	24 d'avust
Colloqui IX	Partenz	14 da sett.
Colloqui X	Tavau - Alvra	14 da sett.

22. Sessiuns dal Cussegl grond evangelic 2011/2012

Mesemna 09.11.2011 di entir

Mesemna 06.06.2012 suentermezdi

Mesemna 14.11.2012 di entir

23. Termens dals colloquis da primavaira 2012

Nus supplitgain ils actuars e las actuaras da notar en il protocol ils termens dals colloquis da primavaira 2012.

Cuira, en avust 2011

Cussegl da la Baselia evangelica

Lini Sutter-Ambühl

Kurt Bosshard

presidenta

actuar